

范忠宣公文集

二

范忠宣公文集卷第二

律詩

早行

夙駕冒輕寒，身勞意自閑。鳴雞起，遥野殘月滿空山。
水落灘沙白，林稀落葉殷。東方上朝旭，始免畏途難。

游嵩山與王弱翁聯句

靈境中天秀，辟疆雄名古。到今位尊朝，列嶽純仁勢

重壓千岑靜，鎖神僊宅。辟疆高盤宇宙心，孤棱標日

月。純仁絕仞倚戈鐔，彩棟靈祠邃。辟疆層壇淨刹深

民祈傳覲語，純仁國祀致君忱。碑古蒼生字，辟疆堂

虛畫蠹金山，呼曾薦壽純仁神。降即為霖事，怪塗土山

石。辟疆下有啓母石，形端玉女姑。峯巒排翠玉，純仁灘瀨

漱鳴琴蕙帳人，誰繼辟疆金泥迹。可尋唐經藏，寶妙

純仁魏殿想鑿音，會善寺魏雲作他方雨。辟疆松連

別院陰谷泉，長浸斗純仁山有頂路，欲澗參探穴。竟

潛動，辟疆捫蘿力不禁。箕熊分蟻垤，純仁伊洛認蹄

涖。鳥道樵夫去，辟疆龍潭驛使臨。衆僊停羽駕，純仁

有昔帝儼宸襟，山有玄選勝先看記。辟疆乘危

可作箴，天門開四極。純仁山有東樹品，冠雙林。少林

天三品靈藥看苗劚，辟疆香醪挈榼斟。道宮庭不

掃，純仁學館突無黔。山有院壠麥風搖浪，辟疆溪淙石

聳簪，雜花春爛熳。純仁老木夜蕭森，夕照河光接。辟

疆晴嵐塔影侵，深崖藏積雪。純仁虛壑響幽禽，溪月

寒澄霽。辟疆巖煙暮杳沈，寺橋橫蝶竦。純仁禪磬擊

寒澄霽，辟疆巖煙暮杳沈，寺橋橫蝶竦，純仁禪磬擊



仁高閣在崎嶇 碎疆
逢僧舉舊吟 疲驂何處解

賈文元生日 時爲待中

寶運興王國 眞賢降帝庭
軋坤深毓粹 河嶽共儲靈
慶澤貽謀遠 光華變世丁
精心該古學 夷步陟僊扃
虎變騰彪蔚 鵬飛絕窈冥
占渭濱兆夢 肖傳巖形
姬旦興周典 桓榮授漢經
四聰延啓沃 百辟仰儀刑
金節臨全魏 天聲震北溟
仁恩宣雨露 威令肅風霆
玉壘堅前好 黃樞冠舊廳
出封仍袞職 開國直龍廷
樂育先儒學 憂勤察訟囚
談賓延白屋 衛劔匣青萍
體貌師臣貴 功名史筆青
朝廷方倚重 民物僊圖寧
大厦容棲翼 洪鍾謝寸莛
徒能繼輿頌 傾意祝遐齡

清輝閣

使寄東南重 提封舊國雄
江山歸漢節 棟宇墜吳宮
隱几羣峯近 穿梧一徑通
竹陰搖檻翠 橋影落溪紅
響迸荷心雨 涼生水面風
澄清多暇日 尊酒喜時同
寒食日泛舟

贈師宰

合友逢佳節 携尊泛碧流
溪風銷酒力 煙樹入春愁
羣鷗開波練 疏雲透月鈎
平生懷古意 最羨五湖游
君來寧素約 我至自殊因
義重緣應合 心親見亦頻
十年無齟齬 一遇有逡巡
他日林丘去 須爲白首親

送別

雨郊原淨 輕風生早涼
歌聲激離思 酒力壯非

點計去程遠預知宵夢長鄉關足清賞一寄詩

和韓侍中上巳日會興慶池二首

波漲朱闌外山明綺席前畫橈飛彩鷁紅旆照清漣
東閣隨開府佳賓盡謫僊夕陽歸騎外芳草綠綿綿
故堤高柳綠穆穆花萼遺基映柳南啼鳥解招遊客
醉落花時有戲魚銜舟移羅綺添春色山破雲煙出
曉嵐後會陪公應更樂行看廟勝掃秋橈

觀終南採冰

凝結自太古蒼崖潛閟深炎蒸當六月皎潔正千尋
金盃通珠液青蠅避玉礎焦勞方盱具聊可沃君心
和江東運使韓子文見寄

歲寒君子意窮達見情均多謝江南信偏憐澤畔人

忠宣集卷二

三

明珠驚照夜寒谷頓生春白首論交地須看管鮑親

和韓子文題王摩詰畫寒林

摩詰傳遺跡家藏久自許高人不復見絕藝更誰師
水石生寒早煙雲結雨遲筆端窮造化聊可敵君詩
和毛維瞻郎中見寄

高賢煩出使妙柬蓋從中紅旆臨江浦牙樯列岸楓
頽條蘇舊俗吊古訪遺宮令信移文簡刑平獄戶空
九重天眷異千里物情通識面煙波際論心氣類同
斷金捐畛域倚玉愧蒿蓬別思知何似秋雲日夜東

晚菊

幽叢有佳色不必趁時開冷豔霜仍借清香蝶自來
晚芳情愈重醉賞目先回且伴芝蘭秀休嗟暮景頹

和謝師厚見寄

拙宦身何補謀生術不高履霜慚踐履察俗念同袍
獨鶴寒先警哀猿夜更號淒風獵蘭蕙濃露濕蓬蒿
故國荒三徑南冠歎二毛使軺違右蜀賢里隔西豪
吾友真時傑斯文敵楚騷一官曾共守多難道聯遭
諷詠餐忘味賡酬夜費膏倦禽慵擇木涸鮒羨游濠
交分窮彌篤相思夢亦勞未能拋假紱何計理行篙
老去情難展憂來首獨搔書勤空繫鴈河廣詎容舳
郡僻稀民政科繁屬吏曹飯粳吹玉粒嘗蠓擊金螯
治性親黃卷蠲愁仰白醪任真傾肺腑共醉沃醪糟
夕惕持新禁年凶減衆遨光陰徒汨汨懷抱慎怵怵
歸隱輸陶令參禪學李翱因君破蒙滯遣興彊含毫

忠宣集卷二

四

和徐億郎中喜雪

君恩消後時霽恩後三日嘉雪驗時和山峙崑兼閣江迷
汎與沱圃糝花鬪巧林亞玉相摩立壑平無異蕭蕭
惠不頗野催農務急客醉酒家多裂素思團扇吹毛
想太阿流風疑漢舞黃竹詠周歌煙冷漁村遠裘虎
獵騎過穀登期歲稔人樂免天瘥曾待晴宵賞寒光
混月波

謝師厚寄同黃壻魯直唱和

忽得穰郊信條然病魄醒懷賢心獨在感舊涕偏零
南斗占神劍西豪聚德星卧龍看復起失馬顧曾經
冰玉清相照芝蘭遠更馨應念我白首候戎亭
和閻灝中秋賞月四首

中秋氣清肅况復在邊庭月吐孤輪迴天開六幕青
輝盈疑白晝明極掩常星此夕鄉關思胡茄莫細聽
張筵賞秋月簫鼓沸公庭光泛露逾白輪高天更青
遮藏三讓客牢落庶民星節去人隨老杯行我但聽
萬里邊城月清輝徹北庭沙伴霜霰白圃失萸蘭青
影亂林箚三光長隙透星南飛有歸鴈羨爾故先聽
浮雲收絕塞金鑑躍天庭但願冰輪瑩何煩桂影青
溪心如瀉練杯面若涵星曩昔開元曲何人可復聽

和聖美翠家原道中之作

曉煙浮水白晴日透霞紅屈曲嶺頭路蕭條旗脚風
主恩覃塞外賢業滿胷中始信人聲遠歡迎到處同

騎射

忠宣集卷一

五

雄兒矜絕藝勇氣厭天驕振臂連驅馬翻身仰射鷗
回旋驚電雹奔突出塵囂武格并文教均修是我朝
病起聞走馬宴同僚走筆戲呈席上

平日倦仍爽那堪更病羸賓僚聞燕集冠蓋阻追隨
歌筵宜嘉賞觥觥莫苦辭酒深緣意厚但看樂天詩
白公詩云容知主意厚分數隨口加

仲春寄二弟

春鴈來時節飛鳴各有行弟兄俱遠宦秦楚久相望
尊席唯他士翳花似故鄉何時遂歸計共醉溟湖旁
酬羅道濟黃任道見寄

明時頻得罪出處愧朝行音問通猶懶廢酬况敢望
諸公湊舊物遷客慣他鄉懷抱隨新月遠依紫塞旁

贊判李太博靜勝軒二首

開軒納清景為吏似閑居佳客迹頻到主人心自虛
琴尊良有助時命固無如喧靜何能必中恬樂有餘
題軒名靜勝靜勝理何深自得歸根趣寧存較物心
雜花隨節候疊嶂牙晴陰終日對圖書應無塵慮侵

和君實微雨書懷韻

老畏風光速閑知日晷添惜春逢雨急病酒與秋廉
採藥蜂須濕銜泥燕嘴黏水聲淙曲沼花氣遞疎簾
墜絮柔鋪迳高梧翠倚簷清伊照窻碧少室插雲尖
老蔓蛇難蟄殘紅火不炎邀朋擬白社取友盡蒼髯
饌具雖真率賓儀去謹嚴主公紆繡袞詞伯玩書籤
君實方陶冶恩唯舊葭莩契偶露 君實姻 尊崇儲峻嶽

念堂集卷二

六

高潔仰孤蟾社稷勲無敵軻雄學不厭威聲傳異域
名姓到窮閭賓主均歡愛鄉閭化靜恬應憐孤客志
粗守小官廉飢餓監河粟貧無遺盜嫌清朝慚祿薄
豐歲喜魚占識晴妨時用心愚以古潛狂歌忘皓首
醉眼怯青帘東閣容疎放西廊慰佇瞻疇詩常愧拙
負奕固非謙久玷題評末笑蒙道義漸虛舟不復繫
所向可無嫌

寄伯康君實

平生親友分偏向二難深但念相從樂應知別後心
西窻蒸罷奕南園徑慵尋不奈懷賢意香醪獨滿斟

寄伯康君實

明月照分袂離魂增黯然禪公歸故里詞伯約新年

水竹荒三徑金蘭憶二賢
白風無限意書札豈能宣
酬安之罷赴真率會

席上多佳客非君衆不怡
詩詞雖有激誠意在相思
朋舊難踈間年齡合養頤
何如兩俱便快出莫推辭
和安之謝伯康君實見訪

眉壽當安逸炎蒸倦往還
二難俱命駕三逕始開關
清論應更僕新詩特解顏
冥冥雙鴈序爲叟下雲間
和文潞公席上

夏木清陰合公當雅燕開
前軒鳴脆管密席列英才
坐久風逾快歡多日易頽
膺門禁一顧孫閣愧常陪
繞客燒銀燭垂蓮醕玉杯
醉歸應倒載遠勝習家回
和安之喜雨

驕陽逢密雨歲事可遙占
灑砌涼堪喜通宵滴未嫌
渠涼鳴玉佩簷逗水精簾
草木神俱王倉箱望已添
炎蒸俄盡滌秋意忽相兼
稍霽循幽圃重尋晚筍尖
和范景仁蜀中寄牡丹園

牡丹開蜀圃盈尺莫如今
妍麗色殊衆栽培功信深
矜誇傳萬里圖寫費千金
難就朱欄賞徒搖遠客心
向張伯常會君實南園

幽圃多清致人賢樂有餘
游心同藝苑歸興若田廬
畦廣容栽藥門扃爲著書
築臺占嶽頂鑿沼灑伊渠
庵傲盧仝屋坊鄰白傅居
拂床留倦客種竹蔭游魚
弄水衣襟濕導流酒醖徐
園翁名草木山鳥戲階除
密席延商皓高風邁漢踪
城西老詩伯獨免醉登車

子駿君實約游園遇雨而止

不盡陪從樂端居若絆羈雨方添草色寒更展花期
舉目紅芳阻搔頭素髮垂清尊難獨酌終日起相思
子華相公同遊趙令公園

相君行樂處繁盛故王家聲遠歌喧閣香濃酒泛花
瑰材扶廣廈美植列甘相彊飲頻中聖回頭畏麴車

和王端大中牡丹

盈尺吐紅房春叢占上陽佳名過百品絕豔冠羣芳
嫩玉舒韶臉鮮霞避曉光楚妃殊衆色洛浦謝濃粧
露重珠如綴風回麝不香倦游稀愛賞得此浣愁腸

和三太中游洛述懷

乘春尋洛社不憚路歧長盈畹花如笑頃都客若狂
山林多寂寞朝市太奔忙不似安車老優游適四方

念宣集卷二

八

和君實陪路公子華景仁宴集各一首

始終全盛美今古莫如公華袞加朱紱安車撤畫熊
建儲宗社計破賊廟堂功身退謀猷壯宜哉帝眷降
再擁平陽節麟符守洛宮禮賢多孺子交政得裴公
寬簡宜民化歡游與俗同行看歸宰席致主詠南風
莎輟安車穩花簪醉帽紅還鄉慰多士入洛訪諸公
覽德如威鳳歸鞍若去鴻清規傳後學信道不談空
種竹盈軒翠栽花滿圃紅著書評百代守節避三公
皎潔升壇玉孤高漸陸鴻清名若嵩少萬仞亘長空

寄君實

西臺無吏責道義得親依過宿睽談益中懷已恨稀

何情堪久別無翼不能飛愚直相知少非公誰與歸

寄王不疑朝議

松筠宜歲晚冰雪照人清無限相從樂空添別後情
官期何日滿歸計未能成不起思予念輸君道眼明

喜雪

久暘逢臘雪酌酒動歡誠密勢迷城郭餘霏冒棟楹
河光平曳練嶽色遠堆瓊已報豐年瑞三登賀太平

和張坊州

詞場同際遇郡政接循良珠玉篇章妙芝蘭氣味長
褒言如袞繡雅意戒鴉梁老格松千尺清文水一塘
賡疇停筆久降歎舉幡忙當宁神兼武開邊洮與隍
再叨藩寄重難報主恩滂憂職思承教何由到訟棠

和微之湖亭席上見贈

曾陪湖上醉特國詩云兩君曠度皆吾黨紅燭一別
迎舟盡醉還兩君謂微之與僕也十秋風向老相知少
追歡舊德同花香來席上歌韻徹雲中美酒盈尊綠
新粧映燭紅清時宜共樂白雪和難工便合歸休去
荒田附郭東

疇慶州五弟

仲氏居青瑣予而各大州報君當盡節省已合回頭
繼述將何有榮華過即休相期知止兵里社早同游

寄二弟

一日如三歲離懷不可忘宦游難會合衰老易悲傷
原上鴉飛急天邊鴈序長如何名利役白首遠相望

目旨

肝膽輸將竭因鍾兩目盲小冠希子夏令色耻丘明
青白何曾變紛華舊不爭幸回觀物志都作反身誠
謫居零陵

過盡瀟湘景冥行固不分烏羊殮可飫白酒飲能醺
自息登臨興因無出入勤靈妃曾鼓瑟信有尚堪聞
無書

患難人皆卹誰能絕信音寧忘問生死可是盡浮沉
信子情無矯知予各自深嚴冬見松栢爲有歲寒心

覆舟

始駭舟衝簸顛風振厚坤濤聲如壞屋雨勢若翻盆
力援煩舟子驚號閔稚孫全家脫魚腹應有未招魂

零陵重陽

衰年逢素節盲卧桂江東應有登高會其如摘埴翁
捫杯難舉酒嗅菊不知叢白首跼僧室無煩落帽風

零陵移居

不起移居念全因廢兩眸門閭俱莫辨隘陋亦何憂
瞑鳥離巢遠盲龜待木浮平生安穩少蓋乏措身謀

零陵憶弟妹

感秋懷弟妹憔悴客瀟湘他日常星聚昔年兄姊妹五人嘗聚于
許衰年隔鴈行既盲難引望垂老易悲傷安得騎鴻

鵠高飛向汝傍

零陵寄三弟五弟二首

勿起還鄉念囊空不易居田租收素薄官俸奪無餘
顏困嘗求米立貧樂飯蔬顏魯公爲刑部尚書乞食於大夫公孔子曰飯蔬食

飲水曲肱而樂之 樂亦在其中矣 朱門啓新第懸磬是吾廬

勿起還鄉念人多故與親舊通鄉里意皆仰俸餘婚

望縱諸家息情須一飯伸誰能悠久坐白眼絕朋賓

昔蔡氏女兄孀居許下日費自廣皆里人所知須於安復隨郢間置少生涯俟可倚如蒙命下漸就遷居或可耳

送貫之兄被召爲御史三首

御史得言天下事吾元清且副明揚方當旒宸勤開

納肯使江湖勇退藏賢者慮時心欲破仁人致主策

須長朝廷寬大生靈急只在憲臣振紀綱

憶昔先門陟諫垣正人風采動朝端家聲宜有琳琅

器兄職今我獬豸冠臺閣繼登時所貴忠賢待用古

來難浮榮未必吾儒志會把功名竹帛看

忠宣集卷二

十一

艱禍龍鍾百指存共全餘齒賴依仁鴿原方顧飛鳴

急烏府俄聞拔擢新此別宦遊須異地從今教撫更

何人他年莫負鄉關約明月扁舟白酒醇

孔寧極先生拜官二首

聖朝旌德向丘園紫詔頒恩到葦門鄉老始知爲善

貴竟相廉讓教兒孫

先生操術本真儒進退恬然與道俱寵至不驚高節

在豈顯虛譽激凡愚

龍門山二首

雲擁樓臺雪擁川親朋行望舉吟鞭煙龕萬疊淡花

霰坐見金人變玉僊

松筠深處訪潛溪唐相當年卜隱棲必竟主人歸不

得只教游客駐輪蹄

獨游石巖寄諸友

亂石巉空聳翠稜攀蘿尋勝逐溪聲愛山懷友情無
限日暮巖邊獨記名

寄香巖海僊上人

襍鄧相逢已十年想懷風格鎮依然身同幻境融都
寂心得玄珠照自圓倚錫靜眠松下石煮茶閑試竹
間泉利名識盡情猶熟羨羨吾師絕世緣

陳和叔遊龍門先歸

玉峯環照碧伊寒樓閣參差四望間散騎從遊皆故
友一川清景徹南山笑言迴出塵埃外心意都如物
象閑夫子宮居慣追滑故饒諸客獨先還

和王弱翁白沙道中

共驅羸馬躡寒蕪景色鮮明近洛都出谷流泉春更
綠隔林幽鳥暮相呼伊川舊賞疑朝夢少室重看勝
畫圖從此便窮山水樂相從應不厭崎嶇

龍門馬上望雪

山開曉色千峯玉草映寒光萬點瓊爲我春游添景
物不教桃李獨鮮明

臨汝溫泉

山前陰火煮靈源昔日曾臨萬乘尊歷盡興亡只如
此不隨時俗變寒溫

與王弱翁游龍門

不知造化擘巍峩千古伊流向此過四面長松擁翠

剡兩崖蒼石束寒波身閑愈覺良朋貴詩拙翻羞子
景多宜向諸方縱蕭散明朝望洛下長坡

許真君天誥

至人脩練久能成此誥嘗聞降帝庭寶墨森林聳鸞
鳳訓詞一一在生靈既將道行蒙幽顯奚必僊蹤到
杳冥鶴駕雲輶非我覲祇期操履學真經

讀逸民傳寄孔寧極先生

漢法忠賢有不容遂持名節隱蒿蓬生靈莫見真儒
效爵祿多疇戰士功燕市終難沽美璞魚羅安得挂
飛鴻聖朝高士優游甚自有行藏繼祖風

和曼叔閑書

夫子天資過我曹兩廉才德屬人豪不求近譽聲逾

息室集卷二

三

遠能處卑官道益高豈止一同裁美錦直須萬俗被
重袍由來康濟吾儒事撫遍瘡痍莫厭勞

又和早行

拂曙征人各向方乍明林野更青蒼雲頭漏日開秋
色馬足翻沙破曉霜時事罕關心逾靜故人不見恨
空長憐君素愛還鄉樂行役雖勞肯暫忘

循吏

王化由來起一同盡由守宰致平隆坐移風俗爲能
政勤撫生靈是至忠四境肅清民害去一方和樂主
恩通吾皇有德真堯舜唯待諸君共理功

酷吏

虐吏天資害物深斯民無耻歎刑淫只憑豺虎貪殘

意肯順乾坤長養心骨肉盡將成怨府君親何以致
薰琴終逢族滅令人快智者爲謀豈待箴

聞鍛

萬籟蕭然送夕曛鍛聲相應互成文高隨晚吹驚愁
耳清入霜空透暮雲始訝僧魚敲曉石靜如山木響
秋斤五兵若可爲農器比韻千家不厭聞

和象之石磬

誰向西山選翠琳中含太古自然音昔逢虞帝來祥
鳳今與陶家伴素琴清越乍敲脩竹裏堅方真合哲
人心一鑄名姓將難朽千載知君道德深

送賈春卿宰尉氏

侍中之子

相君勲業冠朝端愛子猶居字俗官道德相傳家有
法功名善繼古爲難清平足使羣情化談笑能令萬
室安千里遠途今日見願當仁政勿盤桓

赴鄭郎中宴集

卧錦僊郎久卜居滿牀書史日康娛邀朋欲走趨齋
閣不厭塵埃俗客無

范忠宣公文集卷第三

寄新化光

陳閉心蹟久相親一別江城兩見春身若孤鴻長暮
侶道非尺蠖敢求伸優游歲月空尸祿明潤溪山不
染塵尊酒從容皆勝景欠君來作席中賓

和吳君平游蔣山廉呈王安國二首

十年游宦阻朋從尊酒俄欣二友同單父能名推子
賤襄陽高節愛龐公六朝山色空陳迹十里松聲正
晚風聯騎追攀不知暮却嫌歸路入塵中

錢塘山色飽相從復此登臨景物同舊國池臺餘草
碧夕陽樓閣半山紅當時言笑如朝夢今日心顏盡
老翁終愛巖間坐禪客能將萬事付虛空

范忠宣公文集卷三

一

和呂獻可江口見贈

世閱俱承父祖風又叨官契十年中棠陰代領諸侯
印棣萼更聯御史驄先只貫之已嘗與公同為御史白首相期唯信
道清朝連貶為輸忠駑駘詎合參騏驥應合心能報
主同

和呂獻可牡丹

去年仁政與春來真賞曾蒙醉目回紅旆已隨芝檢
去滿欄芳意為誰開

寄堯夫三首

呂誨

江頭五日艤輕舟欲去遲遲更自留目斷旌旗暮天
闊龍峯峯上倚層樓

去年同作南遷客今日更持刺史權推挽試知民吏

因談會向尊前

芳草茸茸照綠波暮春歸客興如何
滄浪應有清潭處羞見漁人鼓枻歌

和獻可龍峯寺見寄三首

驅車日日望行舟目斷風帆不可留
獨有召公遺愛地蒼山重疊滿晴樓

丹心自許疇明主百謫那能避貴權
比道方今誰復問望公須向古人前

忠臣多快姦臣憤天意人情可柰何
安得卑夔能致主早聞堯舜復賡歌

和獻可丙午二月六日別臺中僚友

感時情緒已難禁况復懷賢恨愈深
鴉噪晚林催遠客雲藏夕照弄輕陰
松筠自信凌霜操葵藿長傾向日心
同志飄零山館寂欲沽芳酒與誰斟

荆甘

品珍方重寄來難長憶東吳把酒看
笠澤煙閑排錦樹洞庭霜老摘金丸
清香先透筠籠細甘液俄通玉齒寒
不學荔枝遺國恨曾煩驛使到長安

充墨

誰藝長松製作勤輕煤勻膩雜蘭薰
中疑玄石無纖翳外若靈犀有密紋
溪石乍研浮紫翠蜀牋試寫落煙雲
會將點畫傳青簡千古忠邪爲爾分

寄曼叔

年嘗苦見君難每一相逢百倍歡
正值風煙遙

邑敢期塵土共塵觀官衣談往往驚晨鼓樂飲時時解
醉鞍遊遍洛陽佳勝地須將歸興暫盤桓

和張統貫之同年

同榜同僚是別緣所存相近復相便性情踈懶忘官
檢襟抱平夷學古賢仁者才謀當濟物吾曹名利久
推天湏知白首相逢日不失初心始自全

和韓侍中游興慶池席上

出郊元喜雨初晴流出川原物象明樓影半藏高柳
外池光遙與綠葭平鷓鴣長近朱闌戲民樂爭隨畫
隼行主禮自忘台鼎貴芳尊盡日許同傾

和韓侍中遊慈恩

勝游今屬相君家臺榭高開翠水涯森聳綠梧常映

忠宣集卷三

三

日紫紆寒澗曲穿花藤蔭柔蔓垂長帶竹引新萌走
蟄蛇下吏不辭我醉弁却愁歸污繡茵車

和韓侍中上巳晚遊九曲池

前朝池閣盡塵埃登覽慚無吊古才舊物祇餘蒼石
在斷牆曾識翠輿來回環竹徑穿幽鳥寂寞茅簷覆
故臺游客靜觀興廢迹利名心息若寒灰

和韓侍中春陰馬上

三月芳菲欲暮天可堪零雨晝連綿潤催穠麥將籠
節寒阻春蠶趁早眠疎柳拂牆難結絮嫩苔鋪砌已
成錢牡丹只待晴陽照看吐新花一尺圓

次韻韓侍中游興慶池

兩奉清歡到碧澗
春光沙勻古岸添新

容賞遍西園異化國偏知日月長

和韓侍中登廣教院閣

兩陪千騎叫禪關每聽高吟解客顏
吉甫壯猶方北伐謝公高興在東山
僧軒深閉芳菲靜春晝初長鳥雀閑
游覽不知歸溼晚火城看逐隼旗還

和韓侍中同賞牡丹

秦地春先必洛陽牡丹名擅百花場
巧鍾絕豔羣芳後高翦紅雲萬葉彊
露滿金盤看國色風回綺席識天香
酒酣只欲盈簪戴聊伴衰顏照玉觴

和孫曼孫北禪牡丹一蒂三花

三花駢蒂吐芳叢曲盡東皇造化功
疑是神山僊子

會霞衣鼎立馭輕風

和韓侍中西禪牡丹

秦川花品似伊川真賞應同上苑看
衆卉先收推國豔五雲高吐學僊冠
煙苞添色賞吟筆露葉含香滿酒盤
勺壓春叢千萬朵欲歸猶復遶花欄

和韓侍中初夏游興慶池

池邊喜逐綵旗行初夏亭臺照水明
筠籜乍開春後綠林梢長帶雨來聲
新荷獵獵香風遠深洞沈沈晝景清
珍相君憂國意宴游終亦念農耕

與張靖學士游華清宮雍帥錢子飛端明以

詩見寄次韻和

金節煌煌握使輶華清勝絕許陪遊
東來渭水

勤西望長安翠微浮休沐

秀田好歸黃閣告

嘉猷憶公何處流回首才在朝元最上頭

和吳仲庶龍圖西園海棠

丹葩翠葉競天濃蜂蝶翩翩弄暖風
濯雨正疑宮錦爛媚晴光燦曉霞紅
芳菲劍外從來勝歡賞天涯爲爾同
却想鄉關足塵土只應能見畫圖中

贈眉陽致政程濟少卿

清節高風世所推秋毫名宦肯徘徊
勇拋朝市無窮事笑指林泉獨自來
吟榻未移溪月上醉巾長拂野雲回
塵衣欲作登門客凡杖何妨許暫陪

和吳仲庶遊碑樓大慈二寺

錦城寒食最繁華游騎翩翩雜鈿車
煙染翠行環郭

忠宣集卷三

五

柳波搖紅影隔江花長年已覺春如夢
遠客唯應醉是家回首鄉關行樂地風光
正好路岐賒

和吳仲庶上巳遊學射山

天涯春色蜀川多勝賞相從到薛蘿
煙蒸深似染隔林山鳥靜能歌
花邊空擁青絲蓋臨上翠巖台
玉珂察俗自知無遠術祇以民樂
駭之

和吳仲庶晚春遊海雲

東郊行樂冠西州古寺峯光翠嶺頭
化俗之傳豈弟尋山謝傳繼風流
天涯尊酒竹相遇劍外三春得共遊
雅興直須窮勝賞年光難使隙駒留

又和暮春蠶市

古祠幽邃錦城隈
騎驪游宴席
盡日風光道遠

湖一方民樂在春臺江頭佛寺藏深竹郊外人家種
綠槐已奉更書催別緒肯辭清賞屢追陪

寄臨邛致政常郎中

東海拋官勇退時邦人留止任牽衣三朝報國丹心
盡萬里懷鄉一棹歸身向清閑添壽考德因潛隱更
光輝常思把酒親高議何日單車遂扣扉

寄持正都官按部嘉眉

使者觀風過晚春逢山應暫紱征輪雲埋雪嶺鋪四
界日射金僊照碧津千里謳謠民足食草家水竹
無塵未能結駟相從去簿領空嗟絆此身

以眉州綠荔枝寄吳仲庶有詩次韻

嘉川荔子著芳名携從歸鞍到錦城馳驛幸無唐日

忠宣集卷三

六

貢甘芹聊致野人情丹砂結穎藏膏露赭殼爲囊穀
嫩瓊京洛不須圖畫去得公佳句自分明

和仲庶江濱避暑

古祠清燕敞虛堂喬木森森畫景長池面雨來荷助
響簾間風細篆生香烏紗傾側朋簪樂翠縠翩翩舞
油長牽俗自嗟行役去阻陪千騎醉瑤觴

將出蜀次仲庶送行詩韻叙別

遠客親仁豈素期沈陪文酒復經時自慙拙宦多遷
逐每歎良朋易別離白首馮唐空已老清秋宋玉不
勝悲仰公早屐經綸志百辟方今待允釐

寄李審言龍圖

英風一別幾經年尊酒相逢意灑然欲報重知慙國

士喜同清議屬真賢武侯方屈南陽卧蕭相曾去漢
水邊好及新春頒惠化行藏吾道合推天

壽張杲卿相公見招

先君同榜更何人教育偏蒙契義親孔氏繫匏慙滯
迹遼陽歸鶴羨閑身四朝盛事渾經眼十日濃醪好
入唇箕頰更無高致客只應梅柳爲公春

和閻五秀才折海棠見贈

蜀國海棠春最妍萬株紅錦憶曾觀鄉人折贈情尤
重肯與羣花一等看

宿州元太守北樓席上

七月高樓暑氣回荷香細逐水風來翠蛾細袖歌聲
遠綠野蒼山醉眼開羈客秋懷迨屈宋主人交義繼

忠宣集卷三

七

陳雷他年林下相逢去詩酒何妨許重陪

和吳伯脩洞霄宮

三朝勤瘁不謀身今日官閑與道親紆組還鄉宜最
樂居山得祿未全貧性情有暇窮真理門館無權少
俗賓會待收蹤歸畎畝就君同醉洞天春

和滕中舍見寄

斬水分携自昔時六年奔走困長歧人憐冢世三朝
舊身在風波一葉危白髮星星驚歲月丹心繳繳仗
朋知林泉早晚歸休去廩祿無厭愧滿卮

和李敷察推即席感舊二首

相逢同榜盛當年復喜君來對此筵花下莫辭頻把
酒月中曾是共登僊左遷還有麤官樂晚達何妨秀

得失已看如塞馬苦心勞力亦徒然

一榜登科二十年江城偶得共盤筵鄭公雅喜中都

職鄭谷作都官梅福曾由邑吏僊李兄自或白首相

期情契處素風猶待子孫傳狂歌醉舞形骸外吾道

從來況坦然

送宋大卿歸淝上

眉壽康寧位九卿人間五福最難并丹心報國冰霜

潔白首還家里社榮化日盡輸高世樂野雲應似出

門情淮淝美事傳千載何止孤風激後生

和孔宗翰郎中見寄

聖人流澤到真賢直節清名奕世傳惠政謳謠騰楚

甸醉吟風月滿江天嗟予濫典劭音翹農印歸老幾

京宣集卷三

無坐客甑一得新詩消百慮黃梁未熟且安眠

和傅欽之見寄

至道潛心信有功目前超悟忽圓通三身不在諸塵

外萬象全歸一照中念絕去來隨處樂法無取舍自

然空護持雅屬當仁力枉問麻湯懶鈍翁

和余周郎中見寄

官游從昔各艱難方寸寧禁百慮千憂患早催顏鬢

老風波回念骨毛寒詞場久託平生契酒席方陪此

日歡致主庇民嗟晚矣只堪相約挂塵冠

章伯望郊居

獨愛高居遠市塵簷楹軒豁對江天門前一曲平橋

水舍側千畦負郭田鷗鳥漸能親几杖兒童應解愛

本泉朝廷方待忠賢急莫厭京塵撲馬韉

和張揆侍郎見寄

懋德懷賢出禁城片心長挂若搖旌留侯老棄八閭
事白傳詩傳海外名蕭灑琴尊資上壽太平風月屬
高情已知世故無關慮佳句猶煩訓後生

金陵懷古二首

天兵從昔度長橋四海干戈一戰銷江東豈能知帝
力醉憑漁艇亢秋潮

六朝文物今何在千里江山自宛然莫武南征無殺
伐至今樵牧尚能傳

和元子發學士見寄

二紀區區困官游相逢莫訝鬢先秋清時無補身空

忠宣集卷三

九

老往事難追涕旋漉舉世交情憐我少經旬行色為
君留何時歸去江湖上風月同尋范蠡舟

和王著作見寄

踈慵齋閣晝常扃忽喜君來病魄醒走訪禪山詣洞

穴同祈雨褒禪山醉吟詞客舊林亭懷賢亭乃張十

年多難頭俱白四友相看眼共青別後新詩收滿軸

芝蘭雖遠有餘馨

和李敷重九席上遣興

謫居閑僻少朋游珍重征帆肯暫收多難共驚霜遶
鬢重陽還喜菊盈甌樓前雨洗千山翠天際江橫萬
里秋節物相催人漸老此身何日得歸休

和謝師厚見寄

地僻官廳儔侶稀，鄉關回首隔殘暉。
鬢霜楚靈人空老，水落江沙鴈自歸。
往事尋思都似夢，素期乖失謾知非。
東風送雨長西去，心逐輕雲日夜飛。

中秋賞月

碧落無雲玉鑑飛，淨中毫髮了能窺。
光隨酒蟻斟銀盞，彩瑩歌人發瓠犀。
露重凡從巾角墊，輪傾欲把斗杓推。
醉狂直好探蟾窟，安得陵空萬仞梯。

和耿憲見贈

仕途名迹本幽遐，諫省俄登忝世家。
恩戴丘山宜盡瘁，言關社稷敢歌邪。
獻芹寧識羔羊美，抱甕徒爲智士嗟。
君子一言華袞重，此身被服愧無涯。

和徐郎中栢枝甘露

素液濃甘勝醴飴，偏蒙翠栢瑞明時。
何如溥作豐年澤，萬物涵濡被福釐。

和曹職方至日

官遊荊老愧蓬飄，逢節他鄉倍寂寥。
世網縈身難自解，鬢霜凝鑑不重消。
隨陽鳴鴈聞初急，向日丹楓惜半凋。
飽暖全家盡君賜，忍看編戶獨無聊。

和耿憲秘校喜雨

愆陽六月氣仍驕，多士身勞思亦焦。
膏澤俄隨恩詔溥，蝗蝻半逐野雲飄。
歲時敢望家聊給，賦歛能供政有條。
鑿井耕田忘帝力，何當鼓腹播民謠。

題李子高虞部園四首

今時難得是高人，里社因君俗愈醇。
松竹漸成風月

好只應終日聽韶鈞

鍊工夫合自然河車潛引玉池泉老君道德人辯
復見雲孫達二篇

全家歸隱似前賢碧酒醇醲白蟹鮮心欲生民常富
壽高歌會樂太平年

不教外物翳襟懷明合著龜亦信哉鴛蹇自慚無駿
骨謾勞伯樂品題來

和曹演甫中秋見懷

去年對月憶良朋今夕誰同塞上情華髮蒼顏人易
老賞心樂事古難并戍樓笛響千山迴沙漠霜寒萬
甲明半夜歸鴻飛不斷好將幽夢到淮城

和閻灝屯田五十歲元日感懷

與予同榜
同甲

君緣直道阻橫飛我愧無才振國威同榜同僚忝契
分使秦使蜀重親依異襟衣帛身空老學易知天志
尚違白首相期唯信義世情徒是亦徒非

和吳仲舉通判見贈

侍行曾見羽書飛獨鶴歸遼想令威三紀家聲幾泯
泯重來民俗尚依依脫身負擔誠多幸屏迹山林願
正違主諾已繫賢者助第承先業愧才非

塞下追憶烏江之會寄李誠之待制

主人忘倦客忘歸長憶江邊惜別時日下青山猶促
席風衝畫鷁正疇詩盤堆白玉鱸腴美手擘黃金蟹
殼肥今日相思孤戍裏塵沙滿眼鬢垂絲

和閻灝重陽見贈二首

秋懷多感怯清飴判向西風醉帽斜塞上星霜人易
老幕中談笑客偏嘉金英浮酒稠於蟻丹葉糝林遠
似花身健幾逢佳節在登臨尤更惜年華
空高宜不負良期須信時光似隙暉碧穗引鑪香滿
坐黃金遶席菊成圍物華旋逐鳴颺減客思空隨去
鴻飛莫訝尊前偏醉倒醉鄉纔到便忘歸

和曹演甫秋日見寄

九日天邊倚戍樓他年江國想陪遊臙腴滑與蓴絲
薦菊藥香隨酒蟻浮別後星霜催老態秋來顏鬢染
鄉愁懷賢感舊情難盡待向東西丐一州
王聖美太丞奉使西來喜而有贈

賢愚雖間契稠重科藉同廉甲子同省歛劬農明主

忠宣集卷三

三

意霽威問俗古人風陽和煦物先春到膏澤隨車大
旱中感舊知恩誰最篤塞垣憔悴一衰翁

和聖美觀騎士翦坡

翩翩飛鞚發雲間壯士旁觀亦汗顏勢若投丸當峻
坂影如掣電下空山漢兵神速從天落楚騎颯馳取
將還聖主恩深懷獷俗謾教角逐向安閑

和聖美壁間題

胡懾天威自走藏腐儒焉用合還鄉駕駘戀主心終
在鼯鼠營身技不長晚歲曾襟成漢落故山林聲謾
青蒼進趨無術歸無計聊得君詩洗肺腸

和聖美三岔鋪留題

今日天涯同一笑當年濯畔共長吟

公謫上元予謫
歷陽封畛相

心朝未復中臺職報主長存國士心

蕃舞

低昂坐作疾如風羌管夷歌唱和同應為降胡能蹈
并不然全活向軍中

觀疆人翥坡

蟻分突騎向高岑馳下危塗萬丈深獷俗輕生唯關
險垂堂寧復戒千金

和聖美華池感事

聖主憂勤百職脩忠臣那復作身謀遐方民力資周
度晚歲人情樂小休郭震能僵烏質腔陳湯解斬郅
支頭知賢獨恨官踈遠珠璧何時免暗投

寄陳述古賓客萬璉郎中二首

忠宣集卷三

三

智淺才疎合竄流生逢堯舜忍空休猶慙世舊垂青
眼未報君恩已白頭貴老何由操几杖愛賢曾是繼
箕裘先文正知與新春遥祝增眉壽但向賓筵跪醜
欣欣萬物占芳春對景那知放逐身粗守素風諳左
官擬投白社愧高人漢踈早命東門駕器之致商老
方為少海賓空辱忘年微報稱浪醅佳唱恃心親

范忠宣公文集卷第三

